

# INUIT ATAQATIGIIT INATSISARTUNI



UPA 2026/102.1  
30. April 2026  
Ane Hansen

**Kalaallit Nunaanni imartap killeqarfiata 3 smil-iniit 12 smil-imut annertusineqarsinnaaneraniq periarfissat misissorneqarnissaanik kiisalu tamatuma inatsisitigut, aningaasaqarnikkut inuussutissarsiornikkullu kingunerisassai pillugit nassuiaateqarnissaanik Naalakkersuisut peqquneqarnissaanik Inatsisartut aalajangiiffigisassaattut siunnersuut. Misissuineq Inatsisartut UPA2028-mut saqqummiunneqassapput.**

(Inatsisartunut ilaasortaq Jens NaptK', Naleraq)

Inatsisartunut ilaasortaq Jens NaptK', Naleraq, siunnersuuteqarpoq Kalaallit Nunaanni imartap killeqarfiata 3 smil-iniit 12 smil-imut annertusineqarsinnaaneraniq periarfissat misissorneqarnissaanik kiisalu tamatuma inatsisitigut, aningaasaqarnikkut inuussutissarsiornikkullu kingunerisassai pillugit nassuiaateqarnissaanik Naalakkersuisut peqquneqarnissaat kissaatigalugu. Taannalu misissuineq Inatsisartut UPA2028-mut ataatsimiinnissaanut saqqummiutissallugu piarersimassasoq.

Siunnersuuteqartoq isumaqatigarput oqarmat; Aalisarnej piniarnerlu suli nunatsinni inuussutissarsiutitut pingaarnepaajusutut inissisimasut aningaasarsiorfiullutillu, kiisalu sineriak tamakkerlugu ilaqtariinnut amerlasuunut najukkamilu inuiaqatigiinnut inuussutissarsiutaasut.

Taamammat Inuit Ataqatigiinniit aalisarnermik inuutissarsiutillit pillugit periarfissanik pitsaasunik ineriartortitsiviguarnissaat pingartiluinnaakkatta ilagaat.

Oqaluttuarisaanitsinni ukiut 100-juinnaat kingumut qiviarutta Kalaallit piniartuunermiit aalisarnermut ikarsarnerat piniutitigut periarfissatigullu ineriartorfiusimaqaaq. Ilami qajaannanguamiit, umiasanut, umiatsiaqqanut, sinerissami aalisariutinut maannalu allaat kilisaassuarnik nunarsuarmi nutaalianerpaanik kalaallit aalisariutaatileqatigiiffiisa ilaat pisisaqalersimapput.

Inuutissarsiornitsinni sakkussatigut piniutitigullu ineriartorneq pisariaqartinneqartullu ataavartumik aalisartut piniartullu peqatigalugit nalilersortuassavagut ineriartortittuarlugillu. Aamma pingaaruteqarpoq avatagiisinik migutsitsinngittumik piujuartitsinissamillu tungavigut pingartilugit ineriartortitsinerup ingerlanissaa.

Siunnersuuteqartup siunnersuummut uunga tungasumi Naalakkersuisunut § 37 aqqutigalugu 2025-mi apeqqut 109-mut Naalakkersuisut akissutigisimasaat imartooq

# INUIT ATAQATIGIIT INATSIARTUNI



uungalu siunersuummut attuumassuteqarluinnartumi akissuteqaataani maluginiarparput Naalakkersuisut arlalitsigut imartap killeqarfii pillugit periarfissareriikkatta iluani suleqatigiinnernermik misissuinernillu arlariinnik ingerlasoqarersut. Taamammat Inuit Ataqtigiinniit Naalakkersuisut allanguutissatut siunnersuutaat isumaqtigarput.